



UNIVERSITÄTS-
BIBLIOTHEK
PADERBORN

Universitätsbibliothek Paderborn

FRANCISCI|| XAVERII EPISTOLA-||RVM LIBRI|| QVATVOR||

Francisco <de Javier>

Mogvntiæ, 1600

VD16 J 197

P. Gaspari Rectori Collegij Goani.

urn:nbn:de:hbz:466:1-43721

P. Gaspari Rectori Goani Collegij.
Epist. XVII.

SCRIPSI ad Franciscum Perem, vt Malaca discederet quamprimum & cum omnibus Sociis in Indiam se reciperet. Etenim nunc quidem tanto bono videtur indigna ciuitas illa, quæ causa fuerit tanti malii; quippe cum nostrum iter in Sinas, diuinæq; gloriæ amplificationem per summam iniuriam impediuerit. Iterum tibi mando, vt recentissimum illud meum mandatum summo studio diligentiaque conficias, hoc est, vt transfigas cum Episcopo, vti Malacæ excommunicationes rite pronuntiadas curret, in quas inciderunt ij, qui nostro itineri obstiterunt. Siquidem legati Apostolici nomine Sinas petebam. Id adeo mihi curæ est duabus de causis, primum vt Malacensis Praefectus intelligat, quam graue in se admiserit scelus, & quam grauem pœnam incurrit; ne posthac is sit in alios, qui in me fuit. Deinde vt nostri ordinis homines, qui deinceps rei Christianæ causa Malacam, Molucum, Iaponiam, Sinas petent, retinere audeat nemo. Et quoniam plerosque homines hodie magis hominum pudet, quam Dei; quicunque eiusmodi sunt, tantæ notæ atque ignominiaz metu à tam proiecta audacia

dacia absterreantur. Illud etiam te oro, ut cætera, quæ tibi reliqui præcepta serues diligenter; maxime vero, ut paucos in Societatem eosque idoneos adsciscas, adscitos autem diu multumque spectes, ac probes, eorumque virtutis periculum facias, & sæpe, & accurate. Vereor enim, ne multi, & iam admissi sint, & quotidie admittantur in Societatem, quos dimitti, excludique, præstaret. Quare istiusmodi hominibus tales te præstes velim, qualem ego, & Goꝝ multis, & hic comiti meo me præstisti, quem cum minime aptum esse perspexisse Societati, exemi, atque dimisi. Hoc tū quoque institutum sedulo & cōstanter tenebis, sic prorsus, ut nullus te casus ab incēpto deterreat, ut si relinquaris ipse solus.

Quam iniquo animo ferat Diabolus Societatem in regnum Sinarum inuadere, nullis verbis exequi possim. Id ego tibi liquido affirmare queo (neque enim nullus relinquitur dubitationi locus) humani generis hostem nullo modo ferre posse, aditum nobis in hoc regnum patere. Nam incredibile est, quibus ille, quam multis modis, & pugnarit, & pugnet, nostros ut conatus auerat. Veruntamen magnam in spem ingredior fore, ut CHRISTVS Dominus noster Satanæ insidias eludat omnes. Ac fane
magnœ

302 FRANC. XAV. EPI. LI. IV.

magno illi honori & gloriæ, per homuncio-
nē ingentes Diaboli illos spiritus comprimi,
intolerandamque superbiam frangi. Deus
id nobis pro sua infinita bonitate largiatur,
idemque & tecum maneat, & me comite-
tur : atque omnes pariter perducat in
cœlum. Idibus Nouemb. M. D.

LII. ex portu Sancia-
nensi.

F I N I S.

Collegij Societ. Jesu padri

